

經驗良方

金卷

叙

凡人得天之理同而氣質不同所以
有生安學利困勉之別疾病之來皆
氣質之歆牾其性靈而陰陽寒暑
之偏復乘焉治病者必審其人之性情
境遇及病源而後效世每刊良方以送

人然幸而中者少不幸而不中者恒
多故愚常戒友朋以慎方也而陳君乃
彙驗方以附勸善書後原其心之濟世
之心而其方則必審量而行之毋徒執
方以誤人也止唐老人書

附經驗良方

治瘧疾奇效三方

瘧疾俗名擺子

瘧之爲害。南人患之。北人尤甚。弱者患之。强者尤甚。雖不致遽傷人命。然不治。則發無已時。治之不得其道。則惡邪內伏。正氣日虛。久而久之。遂不可藥。所定三方。甚爲平易。無奇絕。不入常山草菓等劫劑。且不必分陰瘧陽瘧。一日二日三日。及非時瘧。人無老幼。病無久近。此三方不用加減。唯按次第服之。無不應手而愈也。

第一方

廣陳皮

一錢

陳半夏

薑汁煮透一錢

白茯苓

一錢

威靈仙

一錢

蒼朮

米泔水浸一日切片炒淨八分

紫厚朴

薑汁拌炒八分

柴胡

八分

青皮

六分

枳郎

六分

炙甘草

三分

右咀片如法炮製加薑三片井水河水各一鍾煎九分。飢時服渣再煎服。如頭痛加白芷一錢。此方平胃消痰理氣除溼有疏導開先之功。受病輕者二劑即愈。勿再藥可也。若三劑後病勢雖減而不全愈必用第二方。少則三劑多則五劑而已。

第三方

何首烏

生用三錢

廣陳皮

八分

柴胡

八分

白茯苓

八分

黃芩

八分

白朮

炒一錢

當歸

一錢

知母

二錢

鱉甲

炙脆研粉二錢

甘草

炙二錢

威靈仙

錢

右藥加薑三片井水河水各一鍾煎八分加無灰

酒五分再煎一滾空心服二煎三煎立服。

此方妙在補瀉互用虛實得宜不用人參黃耆屏去常山草果平平無奇卻有神效。即極弱之人纏綿極重者十劑後立有起色立奏萬全所云加減一二即

不靈應者正此方也

第三方

人參一錢 黃耆蜜炙一錢二分 當歸一錢二分 白朮一錢

廣皮八分 甘草炙三分 柴胡八分 升麻四分

或加何首烏二錢知母炒一錢或加青蒿子八分

麥芽一錢

右藥加薑一片棗一枚水二鍾煎八分半飢時服

用三五劑元氣充實永不發矣

方雖有三第二實為主方既不刻削亦不峻補功獨

歸之。其第三方。謂爲有力者設。貧家安得有參。只多服第二方可也。

治痢疾奇效三方

痢爲險惡之症。生死所關。不惟時醫治之失宜。而古今治法千家。多不得其道。是以不能速收全效。今立方。何以爲奇。不泥成法。故奇也。立論何以爲妙。不膠成說。故妙也。然其藥品。又不外乎常用而已。有識者切勿更張。勿爲庸醫所誤。遵而用之。百試百效者也。

初起煎方

川黃連

去蘆一分 錢二分

條黃芩

錢二分

白芍藥

錢二分

山查肉

錢二分

陳枳殼

去穰六分

紫厚朴

去粗皮八分 薑汁拌炒

堅板榔

八分

厚青皮

去穰八分

當歸

五分 薑汁拌炒

南木香

二分

地榆

五分

紅花

酒炒三分

桃仁

去皮尖 錢研如粉

右咀片如法炮製用水二碗煎一碗空心服渣再

煎服

此方或紅或白裏急後重身熱腹痛者俱可服如單

白者去地榆桃仁加橘紅四分木香二分如滯澁甚

加大黃二錢。用酒拌炒。服一二劑。仍除之。若用一劑。滯澁已去。不必又用二劑矣。用大黃於年幼之人。又不可拘用二錢也。

右方用之三五日。神效用之。於旬日。亦效。惟十日半月外。則當加減矣。另詳於左。

加減煎方

川黃連

酒炒六分
生用四分

條黃芩

酒炒六分
生用四分

山楂肉

一錢

大白芍藥

酒炒六分
生用四分

厚青皮

四分

堅板榔

四分

廣橘紅

四分

甘草

炙六分
生三分

當歸

五分

地榆 四分

桃仁 六分

紅花 三分

木香 二分

右咀片。如法炮製用水二碗。煎一碗。空心服。渣再

煎服。

如延至月餘覺脾胃弱而虛滑者。法當補理。其法如

左。

補理煎方

川黃連

酒炒 六分

條黃芩

酒炒 六分

大白芍

酒炒 四分

廣橘紅

六分

當歸

五分

人參

五分

白朮

土炒 五分

炙甘草

五分

右咀片。如法炮製用水煎空心服。渣再煎服。

以上三方。如婦人有胎者。去桃仁。紅花。槭櫨。

以上三方。隨用輒效。如有不效者。必初時投參朮等
補劑太早。補塞邪氣在內。久而正氣已虛。邪氣益盛。
纏綿不已。欲補而澀之。則助邪。欲清而疏之。則愈滑。
遂至不可救藥。雖有奇方。無如之何。則初投溫補殺
之也。

微理妙論

古今治痢。皆曰熱則清之。寒則溫之。初起熱盛。則下
之。有表症。則汗之。小便赤澀。則分利之。此五者。舉世

信用如規矩準。純不可易。予謂五者惟清熱一法。無忌。餘則犯四大忌。不可用也。今詳於後。

一曰忌溫補

痢之爲病。由於溼熱蘊積。膠滯於腸胃中而發也。宜清邪熱。導滯氣。行瘀血。其病卽去。若用參朮等溫補之藥。則熱愈熱。氣愈滯。而血亦凝。久之正氣虛。邪氣盛。不可療矣。此投溫補之禍。爲最烈也。

一曰忌大下

痢因邪熱膠滯腸胃而成。與溝渠壅塞相似。惟用磨

利疏通則愈。若用承氣湯大下之。譬如欲清壅塞之渠。而注狂瀾之水。壅塞必不可去。無不岸崩堤塌矣。治痢而大下之。膠滯必不可去。徒傷胃氣。損元氣而已。正氣傷損。邪氣不可除。壯者猶可。弱者危矣。

一曰忌發汗

痢者頭痛目眩。身發寒熱者。此非外感。乃內毒薰蒸。自內達外。雖有表症。實非表邪也。若發汗。則正氣既耗。邪氣益肆。且風劑燥熱。愈助熱邪。表虛於外。邪熾於內。鮮不斃矣。

一曰忌分利

利小便者治水瀉之良法也。以之治痢則大乖矣。痢因邪熱交滯。津液枯澁而成。若用五苓等劑分利其水。則津液愈枯。而滯澁愈甚。遂至纏綿不已。則分利之爲害也。若清熱導滯。則痢自愈。而小便自清。又安用分利爲哉。

治鼓脹仙方原論



凡病人腹上按之有窩者易治。如脈細臍出者難治。又有五絕難治。面黑者肝絕也。手無紋者心絕也。肩凸者肺絕也。臍出者脾絕也。下部腳腫者腎絕也。此五症極難治。然肯服此方斷無不效。重者再服一輪。即愈。但服此方多有禁忌。不可不知。今將所忌食物與所服藥品條例開后。務要畱心遵行。庶收速效。一方內藥料要擇道地鮮潔爲佳。斷不可稍有低賈。以致徒勞無功。

一藥味分兩。務要照單稱準。斷不可稍有增減。如違。不惟無效。且多誤事。

一服藥。必要按時。須令一人專心注意。伏伺。倘稍有參差。難以見效。蓋取人身血脈所至。與藥性適合。始能去病。乃此方之妙也。但服此方時。忽而項強。忽而肩背擁腫。又忽而心怯。忽而下身微腫。將病層層推出。然後就愈。不可疑惑。停藥不服。切切。

一服此方。必須忌鹽百日。況性命爲重。卽二百日何妨。不獨鹽醋當忌。甜味亦宜少喫。總以淡食爲主。俟身